

**DODATAK****GRAČANIČKI  
GLASNIK**časopis za kulturnu  
historijuBroj 39, godina XX,  
maj, 2015.

© Monos 2015

# Glosar novih autora

**Djelza Alija-Selmanović, MA**, rođena, 1987. godine, magistar politologije, usmjerenja: demokratija i ljudska prava, viši asistent na javnopravnoj i međunarodnopravnoj katedri Pravnog fakulteta Univerziteta u Travniku. Završila je Fakultet političkih nauka Univerziteta u Sarajevu, magistrirala na istom fakultetu, doktorant je na Pravnom fakultetu Univerziteta u Travniku. Sfera njenog naučnog interesovanja su ljudska prava, posebno prava izbjeglica. Objavila je više radova u stručnim časopisima, među kojima izdvajamo: „Neprofitni sektor i javna uprava kao akteri razvoja javnih politika u Bosni i Hercegovini“, „Internacionalizacija ljudskih sloboda i prava“, „Ljudska prava u Evropskoj Uniji: Povelja o temeljnim pravima Evropske Unije“ itd. Učestvovala na nekoliko naučnih skupova u BiH i inostranstvu.

**Semir Hadžimusić**, magistar historije, rođen je 1990. godine u Foči. Zbog agresije na Bosnu i Hercegovinu, krajem 1992. godine doseljava u Prokosoviće, općina Lukavac. Od 1996. godine živi u Lukavcu gradu, gdje završava osnovnu školu i gimnaziju. Dodiplomski studij historije na Filozofskom fakultetu u Tuzli završava 2012. godine. Na istom fakultetu u oktobru 2014. godine brani magistarsku tezu *“Kultura Lukavca u periodu 1945.-1953. godine”*, čime stiče stručno zvanje magistra historije. Trenutno odrađuje volonterski staž u Zavodu za zaštitu i korištenje kulturno-historijskog i prirodnog naslijeđa Tuzlanskog kantona. Autor je i koautor nekoliko stručnih i naučnih radova. Bavi se istraživanjem prošlosti Bosne i Hercegovine, s posebnim osvrtom na kulturno-historijsko naslijeđe sjeveroistočne Bosne, Lukavca i okoline.

**Marko Matolić**, apsolvent na studiju historije, rođen 1982. u Brčkom 1982. godine. Trenutno je apsolvent na Filozofskom fakultetu u Tuzli, odsjek historija (studij započeo 2010. godine). Kao student učestvovao je na dva međunarodna istraživačko-konzervatorska projekta (TEMPUS Ljetna arheološka škola u selu Dželilovac kod Travnika i restauracija starih vodenica na Plivi, u okviru programa Cultural Heritage without Borders), te u programu razmjene studenata sa Univerzitetom u Ljubljani. Do sada je objavio dvije zbirke poezije (2010. i 2014.).

**DODATAK**